

जथाय माहारिनि गेदेमा जथुमा

A/RES/61/295

Distr: General  
2 October 2007

डजिसेथि जथुम  
आयदा फारि 68  
61/295

गेदेमा जथुमायाव नाजावनाय बिथांखि  
(Without reference to a Main Committee (A/61/L.67 and Add. 1)

थागिबि हारिफोरनि सायाव जथाय माहारिया फोसावनाय मोन्थायफोर ।

गेदेमा गौथुम,

सुबुं मोन्थाय सुबुरुनाव थानाय बिनि बिथांखि 1/2, 29 June 2006 नि गाहाम मुंखहरनाय खौ नोजोर लाखिनानै जथाय माहारिआ नाजावनाय थागिबि सुबुंफोरनि मोन्थायनि गाहाय बिजाव ।

बिनि 61/178, 20 डिसेम्बर 2006 नि बिथांखिखौ गोसोखानानै, बे फोसावनायखौ आरोबाव सौस्लतबावनो थाखै सम मोन्थाय बायदि मावफुनायखौ दोनथनाय जानाय, आरो बिनि गोरोनथिफोरखौ गेदेमा जथुमानि 61 थि जथुमानि सिगां फोजाबनो थिरांथा खालामनाय जाबाय।

थागिबि हारिफोरनि मोन्थायफोरनि सायाव जथाय माहारिआ नाजावनाय जाफु बिथांखिफोरखौ सरजाबनायखौ जेरै दं, औरैनो होनाय जाबाय।

107 थि आबुं जथुमा,  
13 सेप्टेम्बर, 2007.

## सरजाबनाय

थागिबि हारिफोरनि मोनथायनि सायाव जथाय माहारिनि फोसावथाय ।

### गेदेमा जथुमा,

जथाय माहारिनि संबिजितआव थानाय थांखि आरो नंगुदिजों दैदेन जानाय, हादोतफोरा संबिजित बायदियै नाजावना लानाय मावनो गोनांखौ सुफुंनो गाहाम फोथायना,

फोगोमोदि, थागिबि हारिफोरा गासै गुबुन-गुबुन होन्ना गनायथिना, गावसोरखौ गुबुन-गुबुन होन्ना सान्नो आरो बिब्दिनो मान मोन्नो,

फोगोमबावोदि, गासै हारिफोरा जुदा - जुदा हारिमु, सोदोमश्री आरो बांलांनायाव हेफाजाब होनो, जाइयो सुबुं हारिनि जयै उन बिगोमा दानो,

आरोबाव फोगोमबावोदि, गासै नंगुदि फोरोंनायफोर थांखि आरो सरखौ बिथा खालामना, एबा हारिखौ देरसिन खालामना बुंनाय एबा हारिसं सुबुंनि गुदि जोलैआव सोनारना एबा हारिआरी, धोरोमआरी, आखुआरी एबा हारिमुआरी गुबुनथिग्राफोरा हारि मुगैग्रा, गोनोंखो बायदियै नंखाय, आइन बायदियै सोलिथावै, आखु बायदियै निन्दा होजाथाव आरो समाजआरी इनाय,

फोगोमफिनोदि, थागिबि हारिफोरा गावसोरनि मोनथायखौ बाहायनायाव गासै रोखोमनि नायज्ल' जानायनिफ्राइ उदां,

गोनांथियोदि, थागिबि हारिफोरा जारिमिनारी इनयै सैसो नांबोदों जायनि जाउनाव गुबुन बाथ्रा-फोरखौ लाफानानै बिसोरनिआव फामुयारी राज्यो फसफैनाय आरो हा-हु, हालाम आरो मिथिंगाआरी धोन सेख'नाय, बे बायदियै बिसोरखौ गावसोरनि गोनां आरो गाहाम हास्थायनाय बायदियै हाबा मावनायाव थखयै बिसोरनि मोनथाय बायदियै जौगा होनायखौ होबथानाय,

थागिबि हारिफोरनि राजखाथिआरी, रांखान्थिआरी, समाजआरी दाथाय आरो बिसोरनि हारिमु, आत्मिक, आसार खान्थि, जारिमिन आरो सानबोलाउरी, बिशेषै बिसोरनि हा-हु, हालाम आरो मिथिंगाआरी धोन जायफोरखौ उन-बिगोमा जानो मोनबोदों, बे उन-बिगोमा जानाय थागिबि हारिफोरनि मोन्थयखौ मान होनो आरो जौगाहोनो गोखै गनायथिनानै,

गोरोबथा रादाय आरो गुबुन हादोतफोरजों खालामनाय दाफुं साजायथायखौ फोगोमना मान होनो आरो जौखां होनो, थागिबि हारिफोरनि मोन्थायफोरखौ गोखै गनायथिबाव नानै,

नंगौथायखौ गनायथिनायजों, थागिबि हारिफोरनि गावसोरनि गेजेराव राजखान्थिआरी, रांखान्थिआरी, समाजआरी आरो हारिमुआरी आवगाय लांनायाव आरो गासै रोखोमनि बासिखनाय आरो गादबनाइखौ जायखि जायगाआवनो जाया मानो फोजोबसांनो लानायखौ बरायनानै,

जौगालु हाबाफोरा थागिबि हारिफोर आरो बिसोरनि हा-हु, हालाम आरो धोनफोरनि सायाव खालामनाय खहाखौ, थागिबि हारिफोरा गावसोरनि जौगालु हाबाखौ गावसोरनि गोनांथि आरो हास्थायनाय बायदियै गावसोरनि फसंथान, हारिमु आरो आसार खान्थि फोरानायनि गेजेरजों सामलायना जौगालांनोदि हायो बेखौ बुजिना मोनो,

गनायथिनाय जायोदि, थागिबिनि गियान, हारिमु, आरो गोजाम आसार - खान्थिखौ सर' खालामनायखौ मान होनाया थांना थानायाव, जौगानायाव आरो आब-हावाखौ गोरोबहै सामलायनो हेफाजाब खालामो,

थागिबि हारिफोरनि हा-हु आरो हालामनिफ्राइ रौनियाखौ बोखारनानै गोजोन, रांखाथि आरो समाजआरी जौगानायाव आरो जौगाथाय, बुजिज्जायनो आरो बुहुमनि गुबुन सुबुं आरो हारिफोरजों लोगो जानानै जौगा लांनो गोहोम खोज्लैनायखौ बोलो होसिन्नानै,

थागिबि नखरफेर आरो हारिफोरनि गथफोरखौ खानाय, फोरोंनाय आरो सोलोंथाय आरो गाहाम मावनायाव गथफोरनि मोन्थाइजों गोरोबनानै बाहागो रान्ना बिबानखौ मोनफिन्नायनि थखयै गनायथिनानै,

सानलायोदि, थागिबि हारिफोर आरो हादोत फोरनि गेजेराव खालामनाय गोरोबथा, रादाय, आरो गुबुन दाफुंलु साजायथायाव थानाय मो-थायफोरखौ फोगोमना, माखासे थासारिआव, बुहुमनां सानलायनायनि बाभ्राआव, गाहामखौ सान्नो, बिबान बान्नो आरो आखुथाय,

सानलायबावोदि थागिबि आरो हादोतफोरजों खालामनाय, रादाय, गोरोबथा आरो दाफुंलु साजायथाय आरो बिसोरनि गेजेरनि सोमोन्दो फोरानो गोखों लोगो जानायनि बिथा,

सिमान लायोदि, जथाय माहारिनि संबिजितखौ सिमान लानानै बुहुमनां रांखान्थिआरी, समाजखान्थिआरी आरो हारिमुआरी मोन्थायनि रादाय, आरोबाव **वियेना** फोसावथाय आरो मावनायनि हाबाफारि, आरो गासै हारिफोरनि गाव-खुंथायनि गोनांधार गुदि मोन्थायखौ फोगोमनो जायखौ लानानै बिसोरो गावसोरनि राजखान्थिआरी, समाजआरी आरो हारिमुआरी जौगाथायखौ उदाडै संदानलाडे,

गोसोआव लाखिनो गोनांदि, बे फोसावथायावथानाय मोनसेखौबो जेन नेवसि जाया आरो जायखि जाया हारिनि बिसोरनि गाव -खुंथाइनि मोन्थायखौ जेन नेवसि जाया, बुहुमनां आइनि गोरोबथाजों बाहायनानै,

बुजि मोनोदि, थागिबि हारिफोरनि मोन्थायखौ गनायथिना बे फोसावथायनि थागिबि हारि आरो हादोतफोरजों गोरोबनाय आरो हेफाजाब होनायखौ फोगोमना, न्याइ नंगुदि, सुबुं-खान्थि, सुबुं मोन्थायनि मान नेवसिनाय गुरै आरो गाहामै फोथायनायखौ बिथा खालामना,

हादोतफोरा ग्रोबहै आरो थागिबि हारिफोरनिआव बाहायनो हाथाव आगजुफोरखौ आरो मावनो गोनां हाबाफोरखौ फिथाय थाइनाय बायदि मावफुंनो, थखयै गुबुन मोन्थायजों लोब्बा थानाय, थांखि जानाय हारिफोरजों सोंस्लत लायना आरो हेफाजाब लालायनानै थुलुंगा होनाय,

बोलो होसिनोदि, जथाय माहारिआ थागिबि हारिफोरनि मोन्थायफोरखौ जौगा होनो आरो रैखा खालामनो गोनांधार आरो अरायबो हाबा मावलां-नांगौ,

फोथायोदि, बे फोसावथाया आरोबाव थागिबि हारिफोरनि मोन्थाय आरो उदांश्रखौ गनायथिनायनि, जौगा होनाय आरो रैखा खालामनायनि आगानसे आवगाय लांनाय आगान, आरो जथाय माहारिनि हाबाथिलिआव सोलिथाव मावनाय - दांनाय ।

गनायथियो आरो फोगोमथियोदि, थागिबि हारिं सुबुंफोरा बुहुमनां आइनि सिंआव थानाय गासै सुबुं मोन्थायफोरखौ बासिज्जआ जासे मोनजोब नाइनि मोनथाय दं आरो हारि हिसाबै थांना थानो, गाहाम हामब्लनायनो आरो जथायै जौगानो थागिबि हारिफोरहा जथाय मोन्थाय दं ।

गनायथियोदि, थागिबि हारिफोरनि थायारिआ ओनचोल लाना ओनचोल, हादोत लाना हादोत गुबुन-गुबुन जायो आरो हादोतआरी आरो ओनचोलआरी थख थानायनि बिमिथि आरो गोबां जारिमिनआरी आरो हारिमुआरी गुदि बिथाफोरखौ सान्नानै,

गौथारै फोसावनाय गाहायाव होनाय जथाय माहारिनि थागिबि हारिफोरनो होनाय मोन्थायफोरखौ संलानो गोनां मोनसे मान गोनां जीउनि मोनफुंनाय ।

### फारि 1

जथाइ माहारिनि संबिजितआव गनायथि मोन्नाय मुलूगनां सुबुं मोनथाइफोरनि फोसावथाय आरो मुलूकनां सुबुं मोनथाइफोरनि खान्थियाव गासै सुबुं मोनथाइफोर आरो गुदि उदांश्रीफोरखौ थागिबि हारिफ्रा जथाइयै एबा हारसिडै आरो आबुडै मोन्नायनि मोनथाय दं ।

### फारि 2

थागिबि हारिफोर आरो थागिबि हारसिं सुबुंहा उदां आरो गासै गुबुन सुबुं आरो थागिबि हारसिं सुबुंजों समान आरो गावसोरनि गुदि-खिथा एबा सिनायथिनि मोनथाय बाहायनायनि बेलायाव जिखि जाया हारि बासिख'नाय हाबानिफ्राय उदां जानायनि मोनथाय दं ।

### फारि 3

थागिबि हारिफोरहा गाव-थि खुंथाइ नि मोन्थाइ दं । बे मोन्थाइनि दहायजों बिसोरो गावसोरनि राजखान्थिआरी मानखौ उदाडै थि खालामो आरो गावसोरनि रांखान्थिआरी, समाजआरि आरो हारिमुआरी जौगाथायखौ उदाडै थि खालामो ।

### फारि 4

थागिबि हारिफोरा गाव-थि खुंथाइनि मोनथाइखौ बाहायनायाव, गावसोरनि सिंनि आरोबाव जायगानि जेंना आरो गावसोरनि गाव खुंथाइ हाबायाव रां-सुंथाइनि राहा लामा लानायनि गाव-खुंथायनि मोनथाइ दं ।

### फारि 5

थागिबि हारिफोरा, जदि बिसोरो सायखयोब्ला, गावसोरनि आबुडै बाहागो लानाय मोनथाइखौ लाखिना हादोदनि राजखान्थि आरो रांखान्थिआरि समाजआरि आरो हारिमुआरि जिउआव गावसोरनि रोखा राजखान्थिआरि, बिखान्थिआरि, रांखान्थिआरि, समाजआरि आरो हारिमुआरि गौथुमफोरखौ सामलायनो आरो गोख्रोंथि खालामनो मोनथाइ दं ।

### फारि 6

साफ्रोम थागिबि हारसिं सुबुंहा मोनफा हादोतनि नोगोरारी जानो मोनथाइ दं ।

### फारि 7

1. साफ्रोम थागिबिफोरहा जिउ, गोसो आरो मोदोमनि खौसेथि, उदां आरो सुबुंनि रैखाथिनि मोनथाय दं ।

2. थागिबि हारिफोरहा रोखा सबुं महरै उदां, गोजोन आरो रैखाथिजांझ्यांना थानायनि जथाइ मोन्थाइ दं आरो बोलोजों मोनसे हानजानिफ्राय गुबुन मोनसे हानजायाव उन्दैसा फोरखौ बोखारनायजों लोगोसे जायखि जाया थुबुर सुबुं बुथारग्लुंनाय एबा जायखि जाया गुबुन हिंसा हाबानि गंग्लाय होजानाय जानो मोन्नाइ ।

### फारि 8

1. थागिबि हारिफोर आरो साफ्रोम थागिबि हारसिं सुबुंहा बोलोजों गुस्लाय होजानाय एबा गावसोरनि हारिमुखौ एमब्रायै फोजोबस्रांनाइनिफ्राय गंग्लाय होजानाय जानाडैनि मोनथाइ दं ।

2. हादोदफ्रा होबथानायनि आरो सुद्राय फिन्नायनि जाफुंथाव आदब खायदाफोरखौ होनांगौ, जाहाथे (क) जायखि जाया हाबानि थांखि एबा जाउना गावसोरनि रोखा सुबुंआरिनि खौसेथि, एबा गावसोरनि हारिमुआरि मान एबा हारि सिनायथिफोरनिफ्राय नेवसि जाया ;

(ख) जायखि जाया हाबानि थांखि एबा जावओना बिसोरनि हा, हालाम एबा धोन फोरनिफ्राय बोखार जाया;

(ग) जायखि जाया रोखोमनि बोलोजों नारसोमनानै सुबुं अनजिमा बोस्लायनाय आरो थांखि एबा जावओना बिसोरनि मोनथायफोरखौ सिफाया एबा हेव खालामा;

(घ) जायखि जाया रोखोमनि बोलोजों गुस्लाय होनानै खोमोरा एबा खौसे खालामा;

(ङ) जायखि जाया रोखोमनि फोसावनाय हाबाफारिजों उसकानि होनानै आरो हारि एबा माहारीनि गेजेराव नेवसिज्जाय होआ।

#### फारि 9

थागिबि हारिफोर आरो थागिबि सुबुंफोरहा गावनि थागिबि हारिनि एबा माहारीनि आसार खान्थि आरो आखु एबा माहारीनि बायदियै गसथानायनि मोन्थाय दं। मोन्थायखौ बाहायनायाव बायदि रोखोमनि नेवसिज्जायनाय नुजाथिनो नाड।

#### फारि 10

थागिबि हारिफोरखौ बोलोजों नारसोमनानै बिसोरनि हाफोर एबा हालामफोरनिफ्राय बोखारनो मोना। थागिबि हारिफोरखौ सिगां खोथा आरो उदाडै मिथिसार होआलाबा एबा बिसोरनि मुनामफा मोनफिन्नाय आरो फेफिन्नो मोन्नायनि रादाय खालामाब्ला बिथा-सोलाय होनो मोना।

#### फारि 11

1. थागिबि हारिफोरहा गावसोरनि हारिमाआरि आसार खान्थि आरो आखुफोरखौ बाहायनो आरो गोख्रों खालामफिन्नयनि मोन्थाइ दं। बिसोरनि हारिमु जैरे जारिमिनारि नेरसोननि थावनि, गोजाम आगजु, आगर, आगजुआरि गोनोखो, दिनथिनाय सावथुन आरो थुनलाइफोर नि जाखां, जाफु आरो उननि नुजासार होनाय, सामलायनाय, जौगा होनाय नि मोन्थाइ दं।

2. हादोतफोरा थागिबि हारिफोरखौ लोगो लाफानानै बिसोरनि हारिमु, धोरोम, मेलेम-रोंगौथि आरो आत्मिक बिथिंखौ नोजोर लाखिनानै सुद्राइनाइनि राहालामाखौ होनांगौ जेराव बिसोरनि उदां, सिगां खोथा, सिगां मिथिहोनाय आरो बिसोरनि आइन, आसार- खान्थि, आरो हारिनि हुदाखौ गथाइफिन्नो, आरो जौगा होनो हायो।

#### फारि 12

1. थागिबि हारिफोरा गावसोरनि आत्मिक आरो धोरोम-खान्थि, आसार-खान्थि आरो फोरबो खुंनाइ फोरखौ दिन्थिनो, बाहाइनो, जौगाहोनो आरो फोरोंनाइनि मोन्थाइ दं आरो गावसोरनि हारिमूआरि थावनिफोरखौ आरो धोरोमखौ सामलाइनो, रैखा खालामनो आरो सिरियै दोनखोमानाइनि मोन्थाइ दं, आरो गावसोरनि खुंनाइ आगजुफोरखौ बाहायनो आरो सामलायनायनि आरो थालांनाय गोथैफोरखौ मोनफिन्नाइनि मोन्थाइ दं।

2. हादोतफोरा थागिबि हारिनि गनाइथि आरो लोगोसे बिसोरनि खुंथाइ आगजु आरो बिसोरनिआव थालांनाइ गोथैफोरखौ मोनफिन्नो, गाहाम, गोगो आरो मावफुंथाव राहा लानांगौ।

#### फारि 13

1. थागिबि हारिफोरहा गावसोरनि इयुन जोलैनि जारिमिन, राव, खुगा- बाथा, सानबोलावरी लिरनाइनि खान्थि आरो थुनलाइखौ गोख्रों खालामनो, बाहाइनो, जौगाहोनो आरो गावसोरनि सुबुं, जायगा आरो हारिफोरखौ मुं लाखिनो आरो रैखा खालामनो मोन्थाइ दं।

2. थागिबि हारिफोरनि बे मोनथायफोरा जेन रोखा दानस्लाइना एबा खाब जाथाव राहाजों राजखान्थिआरि आइन आरो खुंथाइ बेबस्थाफोरखौ बुजिनो हानाय बायदि हादोतफोरा रोखा खालामना फिथाइगोनां माव राहा लानांगौ।

#### फारि 14

1. थागिबि हारिफोरा गावसोरनि हारिमुजों खाब जाथावना सोलोंथाइ आरो फोरोंनाइनि राहाखौ लानो आरो सोलोंथाइ फसंथान गायसन्नो आरो सामलाइनो गावनि रावजों सोलोंथाय लानो मोन्थाइ दं।
2. हादोतनि गासैबो रोखोमनि आरो महरनि सोलोंथाइ लानो थागिबि सुबुंफोरहा, बिशेषयै गथफोरा नायज्जेजायाजासे सोलोंथाय मोन्नायनि मोनथाइ दं।
3. थागिबि हारिफोरजों लोगोसे लाफानानै हादोतफोरा थागिबि सुबुंफोरखो, बिशेषहै गथफोरखौ लोगोसे खाथि-खालानि गुबुन हारिनि गेजेराव थानाइ गथफोरखौ लाफानानै गावसोरनि राव आरो हारिमु बायदियै सोलोंथाइ मोन्नो हानायनि मोनथाइ दं।

#### फारि 15

1. थागिबि हारिफोरहा गावसोरनि गुबुन-गुबुन, हारिमु आसार-खान्थि, जारिमिन आरो हास्थाइनायफोरखौ मानजों खाब जाथाव थाव सोलोंथाइ आरो राज्योफोरनो मिथिहोनायनि गेजेरजों नुजाहोनो हानायनि मोन्थाइ दं।
2. हादोतफोरा थागिबि हारिफोरनि गावसोरनि गाज्जि सान्नाय एबा नांज्जायनाइ आरो निउसिज्जायना यफोरखौ सुस्रानो आरो सहायनो फोजोबनाय, बुजिज्जाइनाय, आरो थागिबि हारिफोरनि गेजेराव मोजां सोमोन्दो लानाइ आरो गासै रोखोमनि समाजारि खान्थीफोरखौ सावरायनाइ आरो हेफाजाबजों गाहाम गोख्रों राहा लानो हायो।

#### फारि 16

1. थागिबि सुबुंफोरहा गावसोरनि रावजों फोसावथा फसंनो हानाय आरो नेवसिजायालासेनो थागिबि नडै-गासै रोखोमनि फोसावथा मोन्नो हानायनि मोन्थाय दं।
2. हादोतफोरा थागिबि हारिफोरनि गुबुन-गुबुन हारिमुनि बिथिंखौ नुजाहोनो हादोतजों सामलाइ जानाय फोसावथाखौ मावफुंनो रोखा राहा लानांगौ।

#### फारि 17

1. थागिबि सुबुं आरो हारिफोरा बहुमनां आरो नखरनि मावसोम आइन नि थानाइ गासै मोनथाइखौ मोन्नायनी मोन्थाय दं।
2. हादोतफोरा थागिबि हारिफोरजों सोंसलतलाइनानै आरो हेफाजाब होलाइनानै थागिबि हारिफोरनि गथफोरखौ रांखान्थिआरि सोबखनाइनिफ्राइ आरो जायखि जाया देहानि खैफोत गोनां हाबा मावनाइनिफ्राइ एबा गथनि सोलोंथाइ एबा देहानि दूखु जानाई एबा मेलेमनि, आत्मानि एबा समाजआरी जौगाथाइ आरो बिसोरनि बिशेष दूखु नांथावना आरो सोलोंथाइनि गोनांथिखौ नाइनानै रोखा राहा लानांगौ।
3. साफ्रोम थागिबि हारिसिं सुबुंफोरहा नायज्जेजायालासिनो मावसोम थिसन्नाइ, मावसोम थासारि आरो दान बान्थानि बेलायाव गंग्लाइ होजायैनि मोन्थाइ दं।

#### फारि 18

थागिबि हारिफोरा गरन्थ लानायाव बाहागोलानो, गावसोरनियाव खाबजानाइ आरो गावसोरजों सायखजानाइ दैदेनग्राफोरजों थागिबि हारिफोरा थांखि लाग्रा गावसोरनि फसंथानफोरखौ जौगा होनो हानाय मोन्थाइ दं।

#### फारि 19

खान्थियारी एबा खुंथाइआरी बिथींआव गोहोम जानाय बायदि विखि याया मावफारी लानायनि सिगां गावसोरजों देदेनजानाइ फसंथानफोरनि गेजेरजों थागिबि हारिफोरजों सोंस्लतलाइनानै हादोतफोरा गाहाम फोथाइनायजों हेफाजाब लाज्जाइनो आरो बिसोरनि सिगांखोथा खोथा लानांगौ।

#### फारि 20

1. थागिबि हारिफोरा गावसोरनि राजखान्थिआरी, रांखान्थिआरी आरो समाजखान्थिआरी एबा फसंथानफोरखौ सामलाइनो आरो जौगाहोनो आरो गावसोरनि जीउखौ फोथाना लाखिनायाव आरो जौगाहोनायाव, रैखाथिखौ मोन्नो आरो गावसोरनि आसार-खान्थि आरो गुबुन रांखान्थिआरी हाबाफोराव उदांडै बाहागो लानो हानाइ मोन्थाइ दं।

2. थागिबि हारिफोरखौ गावसोरनि जीउ फोथानालाखिनाआव आरो फोजौखानायाव होबथाजानाइखौ आयेनबायदि आरो नाजाव जाथाव गाहाम खेंफोतनायनि मोन्थाइ दं।

#### फारि 21

1. थागिबि हारिफोरहा नायज्जल 'जायालासे गावसोरनि रांखान्थिआरी आरो समाजखान्थिआरी आराज गुबुन बिथिं जेरै- मावसोम थिसन्नाइ, सोलोंथाइ होनाय, हाबा फोरोफिन्नाइ, न्व 'लुनाइ, साखोन-सिखोन हुदा, देहा आरो समाजारी रैखाथि होनो मोन्थाइ दं।

2. हादोतफोरा गोखें खाबजानाइ राहा लानानै जेरावहाय बिसोरनि रांखान्थिआरी आरो समाजखान्थिआरी थासारीआ जौगालांबाय थायो, बिशेषये थागिबि हारिफोरनि बोराइ-बुरै, आइजो, सेग्रा-सिज्ला, ग'थ'फोर, गुनिया फोरनि मोन्थाइनि सायाव बिशेष नोजोर होनांगौ।

#### फारि 22

1. थागिबि हारिफोरनि बोराइ -बुरै, आइजो, सेग्रा-सिज्ला, ग'थ'फोर आरो गुनियाफोरनि लागै फोसावनाइ मोन्थाइफोरखौ थ'खयै नोजोर होनांगौ।

2. हादोतफोरा थागिबि हारिफोरखौ लोगोआव लाफानानै बेबादि राहाफोरखौ लानांगौ-जेराव थागिबि हारिफोरनि आइजो आरो ग'थ' फोरखौ गासै रोखोमनि हिंसा आरो नाइज्जलेंनाइनिफ्राइ आबुं रेखाथि आरो मावफुनायनि समाय-खिरा मोन्नाज्हायो।

#### फारि 23

थागिबि हारिफोरा थिरांथा खालामनाइखौ नांग्रोनाइबायदि जौगा होनायखौ आरो गावसोरनि सोलोफोरखौ बाहाइनाइनि मोन्थाइ दं। थागिबि हारिफोरा गावसोरनि देहानि थासारिखौ थि खालामनो, न'-बां आरो गुबुन रां-खान्थिआरी आरो समाजखान्थिआरी बिथिंआव गावसोरनिआव गोहोम खोज्जलैनो हानायबायदि सांग्रांयै नांथाबनायनि थख'यै मोन्थाय दं। आरो हागौ मानि बेफोर हाबाफारिखौ गावसोरनि फसंथानफोरजों मावफुनों हानाय मोन्थाइ दं।

#### फारि 24

1. थागिबि हारिफोरा गोनां मुलैनि बिफां-लाइफां, जीब-जुनात आरो खनिज मुवाफोरजों लोगोसे गावसोरनि गोजाम आदबजों मुलै आरो देहा फाहामनाइनि मोन्थाइ दं। थागिबि साफ्रोमबो नाइज्जलें जायालासिनो गासै समाजआरो आरो देहा सिबिनाइनि खाबुखौ मोननाइनि मोन्थाइ दं।

2. थागिबि हारिनि साफ्रोमबो सुबुंफोरा देहानि आरो मेलेमनि गोजौसिन मान मोन्नाइनि मोन्थाइ दं। बे बायदि मोन्थाइफोरखौ आबुंडै मोन्नो हानाइ बायदि हादोतफोरा नांगौ राहाफोरखौ लानांगौ।

## फारि 25

थागिबि हारिफोरा गावसोरनि गोजाम रोखा आत्मिक सोमोन्दो एबा नाजावनालानाइ धोरुम आरो हा-हु, हादोत, दै, लैथोजिं आरो गुबुन मिथिंगायारी धोनखौ सामलाइनो आरो इउन जोलैनु हमाथाना दोन्नु मोन्थाइ दं।

## फारि 26

1. थागिबि हारिफोरा गोदोनिफ्राइनो बाहाय बोनाइ हा-हु, हादोत आरो मिथिंगाआरी धोननि बिगोमा जानो आरो आवग्रिना थानाय एबा बाहायनाय एबा मोननाइ धोनफोरनि सायाव बिगोमा जानो हानायनि मोन्थाइ दं।

2. थागिबि हारिफोरा गावसोरनि गोजाम आसार -खान्थिजों मोनबोनाय हा-हु' हादोत हालाम आरो मिथिंगाआरी धोनफोरखौ मोनबोदों एबा गोजाम आसार -खान्थि आरो गाहाम हाबाफोरनि गेजेरजों मोनबोदों बिफोरनि सायाव बिगोमा जानो हानाय मोन्थाइ दं।

3. हादोतफोरा बेफोर हा-हु, रायजो आरो मिथिंगायारी धोनफोरखौ आइनारी बेंखनथाइ आरो ग'नाइथिखौ होनांगौ। बे बायदि गनायथिनायखौ थागिबि हारिफोरनि गोजाम आसार -खान्थि, आखुथाइ-हुदा, आरो हा-हुनि खान्थि बायदियै खालाम नांगौ।

## फारि 27

हादोतफोरा थागिबि हारिफोरखौ लोगो लाफानानै आरो थागिबि हारिफोरनि मोनसे गाहाम, उदां, गेजेरनि, गेवलां, गोगो राहा लानो आरो थागिबि हारिनि आइन आरो आसार-खान्थि, हा-हुनि नेम-खान्थिखौ गनायनो, आरो बिसोरनिआव थानाय हा-हु, रायजो, हालाम, मिथिंगाआरी धोन, जायफोरखौ गोदोनिफ्रायनो बाहाय बोदों एबा बिगोमा जाबोदों बेफोरखौ आइनजों गायसन्ना मावफुंनंगौ। बेफोर हाबायाव थागिबि हारिफोरा बाहागो लानो मोन्थाय दं।

## फारि 28

1. थागिबि हारिफोरा गोदोनिफ्राइनो बाहायबोनाय हा-हु, हालाम एबा मिथिंगाआरी धोनफोरखौ सेख'नानै, आवग्रिनानै बाहायबोनाय, खहा खालामनाय, जायफोरखौ बिसोरनि सिगां खोथा मोनालाफानो सेख'नालादों बेफोरखौ गथायफिननांगौ आरो जेराव जाथावा ब्याव समान बिबांनि अनसुंथाय होनांगौ।

2. थांखि जानाय हारिफोरा ग'नायागौमानि बेंज्लायनाय अनसुंथाया हानि सोलाय हा, हालामनि सोलाय हालाम आरो मिथिंगाआरी धोननि सोलाय मिथिंगाआरी धोन नंडाब्ला समान बिबांनि आरो महरनि आइनारी मान एबा रांआरी अनसुंथाया एबा नांगौ रोखोमनि सुफुंथाय होनांगोन।

## फारि 29

1. थागिबि हारिफोरा बार-हावआ खो फोथांना लाखिनो एबा रेखाथि होनु गावसोरनि हा-हु, हालाम, मिथिंगाआरी धोन दिहुनाय गोहो खो बांहोनो मोन्थाय दं। हादोतफोरा नायख्लेंडा जासे थागिबि हारिफोरनो बेबायदि फोथांना लाखिनाय आरो रेखाथि होनु मावफारि हाबा फसं नांगो आरो मावफुंनंगो।

2. हादोतफोरा थागिबि हारिफोरनि हा-हु, एबा हालामाव बेसेन नांडै सिगां खोन्थायाबालानो, एबा मिथिहोआलासेनो देहाखौ खहा खालामग्रा मुवाफोर जाहाथे गारफबा बिनि मावथावना गोखों राहा लानायखौ रोखा खालाम नांगौ।

3. हादोतफोरा थागिबि हारिफोरनि बेफोर मुवाजों गोहोम खोख्लैजानाय बिसोरनि देहा-मोदोमखौ लुखांफिनो, जायफोरखौ दाफुंनाय जाबाय बेखौ नांगौ समाव मावफुंनो, सामलायनो बायदि गोखों राहा लामा लानांगौ।

## फारि 30



थागिबि हारिफोरनि हा-हु, आरो हालामाव रौनियाफोरखौ बोखारनानै, जेब्लासिम, रायजो राजानि गाहामनि थाखै एबा सोलिनाय बायदि नंडब्ला गोसो खुसियै नाजावनालायागौमानि एबा थांखिजानाय थागिबि हारिनि खावलायनाय मोनागौ मानि रौनिया हाबाखौ मावहोनो मोना ।

2. हादोतफोरा खाब-जानाय बायदि राहाजों आरो बिसोरनि थख' दैदेनग्रा फसंथाननि गेजेरजों सिगां सोंस्ततलायाब्ला रौनियानि हाबा हुखाखौ बिसोरनि हा-हु आरो हालामाव मावहोनो मोना ।

### फारि 31

1. थागिबि हारिफोरहा गावसोरनि हारिमु, गोजाम गियान, आसार-खान्थिखौ दिन्थिफुंनो आरो गावसोरनि गोनोखो आरो बाहायथाय गोनोखोखौ दिन्थिफुंनो, सुबुं जोलैनि धोन, बेगर, मुली, बिबार, बिफां-लाइफां आरो जीब-जुनातनि गियान, खुगा-बाश्रानि आसार खान्थि, थुनलाइ, आगर, गेलेमु आरो गोजाम गेलेमु, सावथुन, फावथिना, बिफोरखौ सामलायनाञ्जो जौगा होनो मोन्थाइ दं । बिसोरहा आरोबाव गावसोरनि मेलेमनि धोन, हारिमु, गोजाम गियान आरो आसार-खान्थिखौ लाखिनो, सामलायनौ, रैखाथिहोनो आरो जोगाहोनो मोन्थाइ दं ।

2. हादोतफोरा बेफोर मोन्थायफोरखौ गनायथिनो आरो बाहायनायाव बेंदिनो, थागिबि हारिफोरजों लोगोलाज्जायना मावनायनि राहाखौ लानांगौ ।

### फारि 32

1. थागिबि हारिफोरा गावसोरनि हा-हु, हालाम, आरो गुबुन धोन फोरखौ थिरांथा खालामनो, जौगा होनो एबा बाहायनो लानाय, मावग्रोनो लानाय एबा सोलोखौ मावफुंनायनि मोन्थाय दं ।

2. हादोतफोरा थागिबि हारिफोरनि दैदेनग्रा फसंथानफोरखौ मोजां फोथायनाय लाना, बिसोरनी बेसेन नाडै आरो सिगां खोथा लानानै सोंस्ततलायनांगौ आरो हेफाजाब लाज्जायनांगौ, जायखिजाया हाबाफारिखौ मावफुंनायनि सिगांआवनो गनायथि लानांगौ, आरो बिसोरनि हा-हु एबा हालाम, गुबुन धोनफोर, खनिज मुवा, दे एबा गुबुन धोन दिहन्नाइ आरो बाहायनायआवबो बिसोरनिफ्राय ग'नायथि लाग्रानांगौ ।

3. हादोतफोरा बे बायदि हाबाफोरनि थाखै खाब जानाय राहा आरो खहाखौ सुख'फिन्नो हानाय राहा लामाखौ लानांगौ जाहाते बार-हावा, रंखान्थिआरी, समाजआरी, हारिमुआरी एबा आत्मिक एबा धोरोमनि खहाखौबो सुख'फिन्नो हायो ।

### फारि 33

1. थागिबि हारिफोरा गावसोरनि आसार-खान्थि आरो गोजाम आखु बायदियै गावसोरखौ थिरांथा खालामनो आरो सिनायथि होनो, सोद्रोमा जानायनि मोन्थाय दं, जाहाते बेयो हादोतनि थागिबि हारिफोरखौ सोद्रोमा जानायनिफ्राय जेन नोर्जिया खालामा ।

2. थागिबि हारिफोरा गावसोरनि फसंथाननि दाथायखौ दानो आरो सोद्रोमा जानो गावसोरनि नेम बायदियै थि खालामना सायख'ना लानो हानायनि मोन्थाय दं ।

### फारि 34

थागिबि हारिफोरा गावसोरनि फसंथाननि दाथायखौ गावसोरनि आसार-खान्थि बायदियै, आत्मिक एबा धोरोमआरी नेम, बाहायनाय हुदा बायदियै थि खालामनो आरो जेराव बिसोरो थांना थायो, आइनारी खान्थि, एबा आसार-खान्थिफोरखौ बहुमनां सुबुं मोन्थायनि नेम बायदियै फोजौखानो, जौगाहोनो आरो सामब्लायनो मोन्थाय दं ।

### फारि 35

थागिबि हारिफोरहा गाव गावनि बिबानखौ हारिनि गेजेराव थिरांथा खालामना लानायनि मोन्थाय दं ।

### फारि 36

1. थागिबि हारि, जायफोरा भुमनां सिमाजों सोखाव जादों, बिसोरो लोगो लाफिन्नो, सोमोन्दो खालामफिन्नो, हेफाजाब होज्जायनो आरो गाव धोरोमआरी, हारिमुआरी, राजखान्थिआरी रां खान्थिआरी आरो समाज खान्थिआरी बिथिंआव सोद्रोमा जानो, सिमा बारनाय हादोत आरो गुबुन हादोतआरी सुबुंफोरजोंबो लागोलाज्जाइ नायनि मोन्थाय दं।

2. बिफोर मोन्थायफोरखौ गोलैयै बाहायनो, मावफुंनो आरो रोखा खालामनो हादोतफोरा थागिबि हारिफोरजों सोंस्ततलायना हेफाजाब खालाम नांगौ।

### फारि 37

1. थागिबि हारिफोरा हादोतजों एबा उनफिरिजों खालामनाय गोरोबथा, रादाय आरो गुबुन दाफुं साजायथाय फोरखौ गनायनो, नोजोर होनो आरो आइनजों मावहोनो हानायनि मोन्थाय दं। गोरोबथा, रादाय आरो दाफुं साजायथायफोरा हादोतनि 'फ्राय मान मोन्नायनि मोन्थाय दं।

2. बे फोसावनायखौ राव दानस्लायना एसेल 'खालामनो मोन्नाय नंडा, आरो थागिबि हारिनि गोरोबथा, रादाय, आरो दाफुं साजायथायाव थानाय मोन्थायफोरखौ खोमोरनो हानाय नंडा।

### फारि 38

बे फोसावनायनि थांखिफोराव सौहैनो हादोतफोरा थागिबि हारिफोरजों सोंस्ततलायना आरो बिसोरनि हेफाजाब लाना मावफुंनायनि खाब जाथाव राहाखौ आइनदाग्राफोरनि गेजेरजोंब्लाबो लानांगौ।

### फारि 39

बे फोसावथायाव थानाय मोन्थायफोरखौ मोन्नो हादोतफोरनिफ्राय रांआरी अनसुंथाय आरो आगजुआरी मदतखौ बुहुमआरी हादोतफोरनिफ्राय हेफाजाब मोन्नो हानायनिबो मोन्थाय दं।

### फारि 40

थागिबि हारिफोरा हादोतजों जानाय एबा गुबुनजों दांझ-बाजी, आरो गोरोबलायैखौ गोरोबफिन्नायनि थांखि आरोबाव सासे नझब्ला गासैजोंबो जथायै खालामनाय बारसिनाय खहा खौ थाबैनो गाहाम आरो न्याय राहाजों सुख'फिन्नायनि आरो गोरोबफिन्नायनि मोन्थाय दं। बे बायदि थांखिफोरखौ बुहुमनां सुबुं मोन्थाय आरो थागिबि हारिफोरनि आसारखान्थि, गोजाम आखुथाय, आरो न्याय-खान्थिजों गोरोबनांगोन।

### फारि 41

बे फोसावनायाव थानाय फारिफोरखौ आबुडै मोनजोबनो जथाय माहारिनि एबा सोरखारी बिफान एबा बिशेष दालायफोरा सांग्रांथि हाबाफारि लानायनि अनगायैबो रांआरी आरो आगजुआरी अनसुंथाय होनांगौ। थागिबि हारिफोरखौ गोहोम खोज्लैन्नो हानायबायदि रोखा राहा लानांगौ।

### फारि 42

जथाय माहारिनि दालाइ आफादफोर, थागिबि हारिफोरनि गौथोमखौ लाफानानै बिशेष बिफानफोरजों लोगोसे हादोतनि आरो हादोतसानि थाखोआवबो बे फोसावथायखौ फोजौखानो, मान होनो आरो आबुडै बाहायनो खाबजाथाव नाजा नांगौ।

### फारि 43

बेआव गनायथिजानाय मोन्थायफोरा बुहुमनि थागिबि फोलेरनि एसेल 'सिन थांना थानायनि, मान आरो सुबुं गाहामनि बाहागो।

#### फारि 44

बेआव गासैबो गनायथि जानाय मोन्थायफोरा आरो उदांश्रीआ थागिबि हारिफोरनि साफ्राम हौवा आरो हिनजावनि समानै मोन्नायनि रादाय होबाय।

#### फारि 45

बे फोसावथायाव थानाय थागिबि हारिफोरनि दा-मोनबाय थानाय मोनथायखौ एबा इउनाव मोनथावना मोन्थायफोरखौ दानख 'ना एसेल' खालामनो एबा खोमोरनो मोन्नाय नड।

#### फारि 46

1. बे फोसावथायखौ जथाय माहारिनि संबिजितनि उलथ थै बिजिरथिना जायखि-जाया हादोतसा, सुबुंफोर, सुबुं हानजा, एबा हारसिं सुबुंखौ जायखि-जाया हाबायाव थिसन्नो आरो मावहोनायनि मोन्थाय गैया, बिजिरथिनानै बिथोनगिरि जानो, जायखि-जाया हाबाखौ थुलुंगा होना हालामनि खौसेथिखौ सिफायनो एबा उदां राजखान्थि आरो उदां हादोतखौ नोरजीआ खालामनो, आबुडै आरो खावज्लाबयै खौसेथिखौ सोखावनो हानाय नंड।

2. ब्याव बुंफोतनाय फोसावथायफोरखौ मावफुंनायाव, बाहायनायाव, गासैनिबो गुदि उदांश्री आरो सुबुं मोन्थायखौ मान होनांगौ। बे फोसावथायाव मख 'बोनाय मोन्थायफोरखौ बाहायनाया आइन आरो बुहुमनां सुबुं मोन्थायनि गोरोब सिमानि सिंआव जानांगोन। बिब्दि सिमाफोरा नायज्ले जायै आरो गुबुननि मोन्थाय आरो उदांश्रीखौ नोजोर लाखिना हमथानो आरो गनायथिनो गोब्राबै गोनांथार आरोबाव सुबुं खुंथाय समाजनि नारसिन्नाय गोनांथि आरो न्यायखौ मोन्नो थाखै गोनांथार।

3. बे फोसाव थायाव होजानाय जगारफोरा आयेन जों गनायजानाय गुन, सुबुं-दारा सुबुंमोन्थायफोरनि मान, समान्थाय, हारिबासिखोयि गाहाम खुंथाय आरो-गाहाम-फोथायनाय फोरनि नंगुदि फोरजों गोरोबनाय बायदि फोरमाय-जानांगोन।

